

COMMEMORATIONES

COMMUNES,

*sive Suffragia Sanctorum.***De S. Maria,****quando non dicitur ejus
Officium parvum.****Ad Vesp. et Laud. Añã.**
Sancta María succurre miseris, juva pusillánimes, réfove flébiles, ora pro pópulo, intérvени pro clero, intercède pro devóto femíneo sexu: séntiant omnes tuum juvámén, quicúmque célebrant tuam sanctam commemoratiónem.

℣. Ora pro nobis sancta Dei Génitrix. ℟. Ut digni efficiámur promissionibus Christi.

Orémus.

Oratio.**C**oncède nos fámulos tuos, quæsumus Dómine Deus, perpétua mentis et córporis sanitáte gaudere: et gloriósa beátæ Mariæ semper Virginis intercessióne, a præsénti liberári tristitia, et ætérna pérfrui lætítia.**De S. Joseph.****Ad Vesp. Añã.** Ecce fidelis servus et prudens, quem constituit Dóminus super familiam suam.

℣. Glória et divítiae in domo ejus. ℟. Et justítia

ejus manet in sæculum sæculi.

Ad Laudes, Añã. Ipse Jesus erat incipiens quasi annórum triginta, ut putabátur, fílius Joseph.

℣. Os justi meditábitur sapiéntiam. ℟. Et lingua ejus loquétur iudícium

Orémus.

Oratio.**D**Eus, qui ineffábili providéntia beátum Joseph sanctíssimæ Genitricis tuæ sponsum elígere dignátus es: præsta quæsumus, ut quem protectórem venerámur in terris, intercessórem habére mereámur in cœlis.**De Apostolis.****Ad Vesp. Añã.** Petrus Apóstolus, et Paulus Doctor Géntium, ipsi nos docuérunt legem tuam Dómine.

℣. Constitues eos príncipes super omnem terram. ℟. Mémores erunt nóminis tui Dómine.

Ad Laudes, Añã. Gloriósi príncipes terræ, quómodo in vita sua dilexérunt se, ita et in morte non sunt separáti.

℣. In omnem terram exívit sonus eórum. ℟. Et in fines orbis terræ verba eórum.

Orémus.

Oratio.**D**Eus, cujus dextera beátum Petrum ambulántem in flúctibus, ne mergerétur, eréxit, et copóstolum ejus Paulum tértio naufragántem, de profúndo pélagi liberávit: exáudi nos propítius, et concède, ut ambórum méritis æternitátis glóriam consequámur.**De Patrono vel Titulari
Ecclesiæ****fiat Commem. consueta
ante vel post Commemor.
prædictas, pro dignitate
illiis, et ultimo loco****De Pace.****Ad Vesp. et Laud. Añã.**
Da pacem Dómine in diébus nostris, quia non est álius, qui pugnet pro nobis, nisi tu Deus noster.

℣. Fiat pax in virtúte tua. ℟. Et abundántia in túrribus tuis.

Orémus.

Oratio.**D**Eus, a quo sancta desideria, recta consília et justa sunt ópera: da servis tuis illam, quam mundus dare non potest, pacem; ut et corda nostra mandátis tuis dedita, et hóstium subláta formidine, témpora sint tua pro-

tectióne tranqúilla. Per Dóminum nostrum Jesum Christum.

℣. Dóminus vobíscum.

℟. Et cum spiritu tuo.

℣. Benedicámus Dómino. ℟. Deo grátias.

℣. Fidélium ánimæ per misericórdiam Dei requiescant in pace. ℟. Amen.

**Deinde dicitur secreto
Pater noster.****Sic terminatur Officium
ubi alia non sequatur Hora,
ut dicitur in Rubrica
de Oratione Dominica.**

Dictæ Commemoratiónes seu Suffragia, dicuntur ab Octava Pentecostes usque ad Adventum, exceptis Duplicibus, et infra Octavas.

Quando dicitur Offic. beatæ Mariæ, non fit alia Commemoratio de ea.

AD COMPLETORIUM.

Lector incipit

℣. Jube domne benedicere.

Bened. Noctem quietam, et finem perféctum concédatur nobis Dóminus omnipotens. ℟. Amen.**Lectio brevis. i. Petr. v. c****R**atres, Sóbrii estóte, et vigiláte: quia adversárius vester diábolus tamquam

leo rúgiens circuit, quærens quem devoret : cui resistite fortes in fide. Tu autem Dómine miserere nobis. *R.* Deo grátias.

V. Adjutórium nostrum in nómine Dómini.

R. Qui fecit cælum et terram.

Pater noster. *dicitur totum secreto.*

Deinde Hebdomadarius facit Confessionem.

Confiteor Deo omnipotenti, beátæ Mariæ semper Virgini, beáto Michaéli Archángelo, beáto Joánni Baptistæ, sanctis Apóstolis Petro et Paulo, ómnibus Sanctis, et vobis fratres: quia peccávi nimis cogitatióne, verbo et ópere: mea culpa, mea culpa, mea máxima culpa. Ideo precor beátam Mariam semper Virginem, beátum Michaélem Archángelum, beátum Joánnem Baptistam, sanctos Apóstolos Petrum et Paulum, omnes Sanctos, et vos fratres, oráre pro me ad Dóminum Deum nostrum.

Chorus respondet.

Misereatur tui omnipotens Deus, et dimissis peccátis tuis, perdúcat te ad vitam æternam. *R.* Amen.

Deinde repetit Confessionem, et ubi dicitur vobis fratres, et vos fratres, dicatur tibi pater, et te pater.

Facta Confess. a Choro Hebdomadarius dicit.

Misereatur vestri omnipotens Deus, et dimissis peccátis vestris, perdúcat vos ad vitam æternam.

R. Amen.

Indulgéntiam, absolutiÓNem, et remissiÓNem peccatórum nostrórum tríbuat nobis omnipotens et miséricors Dóminus.

R. Amen.

Et facta Absolutione dicitur V.

Converte nos Deus salutaris noster. *R.* Et averte iram tuam a nobis.

V. Deus in adjutórium meum inténde. *R.* Dómine ad adjuvándum me festína.

Glória Patri. Sicut erat.

Añã. Miserere.

Psalmus iv.

CUM invocárem exaudivit me Deus justítiæ meæ: * in tribulatióne dilatásti mihi. Miserere mei, * et exaudi oratióne meam.

Fílii hóminum úsquequo gravi corde: * ut quid di-

lígitis vanitátem, et quæritis mendácium?

Et scitóte quóniam mirificávit Dóminus sanctum suum: * Dóminus exáudiet me cum clamávero ad eum.

Irascimini, et nolite peccáre: * quæ dicitis in córdibus vestris, in cubílibus vestris compungimini.

Sacrificáte sacrificium justítiæ, et speráte in Dómino. * Multi dicunt: Quis osténdit nobis bona?

Signátum est super nos lumen vultus tui Dómine: * dedísti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dormiam, et requiescam; Quóniam tu Dómine singularíter in spe * constituísti me.

Psalmus xxx.

IN te Dómine sperávi, non confundar in ætérnum: * in justítia tua líbera me.

Inclína ad me aurem tuam, * accéléra ut éruas me.

Esto mihi in Deum protectórem: et in domum refúgii, * ut salvum me fácias.

Quóniam fortitúdo mea, et refúgium meum es tu: *

et propter nomen tuum dedúces me, et enútries me.

Educes me de láqueo hoc, quem abscondérunt mihi: * quóniam tu es protéctor meus.

In manus tuas comméndo spíritum meum: * redemísti me Dómine Deus veritátis.

Psalmus xc.

QUI hábitat in adjutório Altíssimi, * in protectiÓne Dei cœli commorábitur.

Dicet Dómino: Suscéptor meus es tu, et refúgium meum: * Deus meus sperábo in eum.

Quóniam ipse liberávit me de láqueo venántium, * et a verbo áspero.

Scápulis suis obumbrábit tibi: * et sub pennis ejus sperábis.

Scuto circúmdabit te veritas ejus: * non timébis a timóre noctúrno,

A sagítta volánte in die, a negótio perambulánte in ténebris: * ab incúrsu, et dæmónio meridiáno.

Cadent a látere tuo mille, et decem millia a dextris tuis: * ad te autem non appropinquábit.

Verúm tamen óculis tuis considerábis: * et retribu-

tionem peccatorum videbis.

Quoniam tu es Domine spes mea : * Altissimum posuisti refugium tuum.

Non accedet ad te malum : * et flagellum non appropinquabit tabernaculo tuo.

Quoniam Angelis suis mandavit de te : * ut custodiant te in omnibus viis tuis.

In manibus portabunt te : * ne forte offendas ad lapidem pedem tuum.

Super aspidem, et basiliscum ambulabis : * et conculcabis leonem et draconem.

Quoniam in me speravit, liberabo eum : * protegam eum, quoniam cognovit nomen meum.

Clamabit ad me, et ego exaudiam eum : * cum ipso sum in tribulatione : eripiam eum et glorificabo eum.

Longitudine dierum replebo eum : * et ostendam illi salutarem meum.

Psalmus cxxiiij.

Ecce nunc benedicite Dominum, * omnes servi Domini :

Qui statis in domo Domini, * in atriis domus Dei nostri,

In noctibus extollite manus vestras in sancta, * et benedicite Dominum.

Benedicat te Dominus ex Sion, * qui fecit caelum et terram.

Añã. Miserere mihi Domine, et exaudi orationem meam.

Hymnus.

TE lucis ante terminum Rerum Creator potuimus,

Ut pro tua clementia Sis praesul et custodia.

Procul recedant somnia, Et noctium phantasmata; Hostemque nostrum comprime,

Ne polluantur corpora.

Præsta, Pater piissime, Patrique compar Unice, Cum Spiritu Paraclito Regnans per omne saeculum. Amen.

Capitulum. Jerem. xiv. b

TU autem in nobis es Domine, et nomen sanctum tuum invocatum est super nos, ne derelinquas nos Domine Deus noster.

R. Deo gratias.

R. br. In manus tuas Domine, * Commendo spiritum meum. In manus.

V. Redemisti nos Domine Deus veritatis. Commendo. Gloria Patri. In manus.

V. Custodi nos Domine ut pupillam oculi. *R.* Sub umbra alarum tuarum protege nos.

Añã. Salva nos.

Canticum Simconis.

Luc. ij. e

Nunc dimittis servum tuum Domine, * secundum verbum tuum in pace :

Quia viderunt oculi mei * salutarem tuum,

Quod parasti * ante faciem omnium populorum. Lumen ad revelationem Gentium, * et gloriam plebis tuae Israel.

Gloria Patri. etc.

Añã. Salva nos Domine vigilantes, custodi nos dormientes: ut vigilemus cum Christo, et requiescamus in pace.

Sequentes Preces semper dicuntur, praeterquam in Officio duplici, et infra Octavas.

Kyrie elison. Kyrie elison.

Pater noster. *secreto.*

V. Et ne nos inducas in tentationem. *R.* Sed libera nos a malo.

Credo in Deum. *secreto.*

V. Carnis resurrectionem. *R.* Vitam aeternam. Amen.

V. Benedictus es Domine

Deus patrum nostrorum. *R.* Et laudabilis et gloriosus in saecula.

V. Benedicamus Patrem et Filium cum sancto Spiritu. *R.* Laudemus, et superexaltemus eum in saecula.

V. Benedictus es Domine in firmamento caeli. *R.* Et laudabilis, et gloriosus, et superexaltatus in saecula.

V. Benedicat et custodiat nos omnipotens et misericors Dominus. *R.* Amen.

V. Dignare Domine nocte ista. *R.* Sine peccato nos custodire.

V. Miserere nostri Domine. *R.* Miserere nostri.

V. Fiat misericordia tua Domine super nos. *R.* Quem admodum speravimus in te.

V. Domine exaudi orationem meam. *R.* Et clamor meus ad te veniat.

V. Dominus vobiscum. *R.* Et cum spiritu tuo.

Oratio.

Visita, quaesumus Domine, habitationem istam, et omnes insidias inimici ab ea longe repelle : Angeli tui sancti habitent in ea, qui nos in pace custodiant, et benedictio tua sit super nos semper. Per Dominum nostrum Jesum

Christum Fílium tuum : Qui tecum vivit et regnat in unitate Spíritus sancti Deus, per ómnia sæcula sæculórum. **R.** Amen.

V. Dóminus vobiscum.

R. Et cum spiritu tuo.

V. Benedicámus Dómino. **R.** Deo grátias.

Benedictio. Benedicat et custódiat nos omnipotens et miséricors Dóminus, Pater, et Fílius, et Spíritus sanctus. **R.** Amen.

Et non dicitur Fidélium animæ. **sed immediate dicitur sequens Aña.**

A j. Vesp. Festi SS. Trinitatis usque ad Nonam Sabbati ante Adventum.

Antiphona.

Salve Regina, mater misericordiae, vita, dulcedo, et spes nostra salve. Ad te clamamus exsules, filii Hevae. Ad te suspiramus gementes et flentes in hac lacrymarum valle. Eia ergo advocata nostra, illos tuos misericordes oculos ad nos converte. Et Jesum benedictum fructum ventris tui, nobis post hoc exsiliium ostende. O clemens, o pia, o dulcis Virgo Maria.

V. Ora pro nobis sancta Dei Génitrix. **R.** Ut digni

efficiámur promissionibus Christi.

Orémus. **Oratio.**

Omnipotens sempiternus Deus, qui gloriosae Virginis Matris Mariae corpus et animam, ut dignum Fílii tui habitaculum effici mereretur, Spíritu sancto cooperante preparasti : da, ut cujus commemoratióne lætámur, ejus pia intercessióne ab instantibus malis, et a morte perpétua liberémur. Per eúmdem Christum Dóminum nostrum.

R. Amen.

V. Divinum auxílium máneat semper nobiscum.

R. Amen.

Deinde dicitur secreto. Pater noster. Ave Maria. et Credo.

Sic dicitur Completorium per Annum.

Si post Completorium immediate sequatur Matutinum, tunc bis dicatur Pater noster. Ave Maria. et Credo. quia Completorium quod est finis Officii, sic terminari debet, et ante Matutinum iterum repetitur pro principio Officii sequentis diei.

Aña prædicta dicitur etiam in fine Laudum, quando discedendum est a

Choro : sed si immediate post Matutin. subsequatur Prima, vel alia Hora, dicitur in fine ultimæ Horæ, ita ut dicatur semper, quando terminata aliqua Hora discedendum est a Choro : et tunc post V. Fidélium animæ. et Pater noster. secreto, dicitur V. Dóminus det nobis suam pacem. R. Et vitam ætérnam. Amen.

Deinde prædicta Aña, et in fine

V. Divinum auxílium máneat semper nobiscum. R. Amen.

Extra Chorum autem dicitur in fine Laud., si tunc terminandum sit Offic. : alioquin in fine ultimæ Horæ. Post alias vero Horas, quando terminatur Officium, dicitur tantum Pater noster. secreto.

